



Broj: 05-1264-4/17

Sarajevo, 20. 04. 2017. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke komisije iz Zapisnika o pregledu i ocjeni ponuda, broj : 05-1264-3/17 od 18. 04. 2017. godine i člana 22. Statuta Agencije za bankarstvo Federacije BiH („Službene novine Federacije BiH“, broj 42/04), direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača za nabavku softverske licence

I.

Prihvata se preporuka komisije za provođenje postupka javne nabavke softverske licence za potrebe Agencije za bankarstvo Federacije BiH (u nastavku: ugovorni organ), broj i datum iz uvodnog dijela ovog akta i ugovor po predmetnom postupku nabavke dodjeljuju se društvu „Time Code“ d.o.o. Sarajevo, kao najbolje ocijenjenom ponuđaču.

II.

Ukupna ponuđena cijena iz tačke I. ove Odluke, za period od 1 (jedne) godine, iznosi 3.140,00 KM bez uračunatog poreza na dodanu vrijednost (PDV), što u konačnici, s uračunatim PDV-om, iznosi 3.673,80 KM.

III.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

IV.

U skladu s članom 70. stav (6) Zakona ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su učestvovali u ovom postupku.

V.

Ova odluka stupa na snagu danom donošenja.

OBRAZLOŽENJE

Odlukom o pokretanju postupka javne nabavke softverske licence, broj: 05-1264/17 od 27. 03. 2017. godine, odobreno je provođenje postupka javne nabavke predmetne robe za potrebe ugovornog organa. Javna nabavka provedena je putem konkurentskog zahtjeva za dostavu ponuda, a kao kriterij za dodjelu ugovora odabrana je najniža cijena tehnički prihvatljive ponude. U skladu s članom 35. Zakona, Obavještenje o nabavci broj: 3010-7-1-49-3-20/17 objavljeno je na Portalu javnih nabavki 28. 03. 2017. godine.

Procijenjena vrijednost nabavke utvrđena je u iznosu od 3.300,00 KM - bez poreza na dodanu vrijednost (PDV).

U skladu s Odlukom ugovornog organa imenovana je komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, komisija je u okviru svojih nadležnosti i ovlaštenja izvršila javno otvaranje ponuda, te o tome sačinila Zapisnik o otvaranju ponuda, broj: 05-1264/17 od 04. 04. 2017. godine, u

kojem je utvrđeno da su ponude po ovom predmetu nabavke podnijeli ponuđači: Mojit d.o.o. Sarajevo, Time Code d.o.o. Sarajevo, Alem Sistem d.o.o. Sarajevo i Asbis d.o.o. Sarajevo.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, komisija je utvrdila:

- da su ponude ponuđača Mojit d.o.o. Sarajevo, Time Code d.o.o. Sarajevo i Asbis d.o.o. Sarajevo kvalifikovane i prihvatljive, te da su dostavljeni svi traženi dokazi propisani tenderskom dokumentacijom, na propisan način;
- da se ponuda ponuđača Alem Sistem d.o.o. Sarajevo odbacuje na osnovu člana 68. stav 1. Zakona, iz razloga što je navedeni ponuđač dostavio nepotpune dokaze o ispunjavanju uslova lične sposobnosti (član 45. Zakona).

U pogledu ispunjavanja zadanih uslova i zahtjeva iz tenderske dokumentacije, u ponudi ponuđača Alem Sistem d.o.o. Sarajevo, evidentirane su sljedeće nepravilnosti:

- Izjava o ispunjenosti uslova iz člana 45. Zakona, nije ovjerene od strane nadležnog organa (sud, notar ili općina);
- Izjava iz člana 52. Zakona, nije ovjerena od strane nadležnog organa (sud, notar ili općina).

Nakon izvršenog ocjenjivanja ponuda, utvrđena je rang lista prihvatljivih ponuda prema kriteriju za dodjelu ugovora, kako slijedi:

Redni broj	Ponuđači	Ukupna cijena, bez PDV-a
1.	Time Code d.o.o. Sarajevo	3.140,00 KM
2.	Asbis d.o.o. Sarajevo	3.150,00 KM
3.	Mojit d.o.o. Sarajevo	3.220,00 KM

U postupku ocjene provedenog postupka, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija dala preporuke da se istom, saglasno članu 69. stav (1) tačka a) Zakona, dodijeli ugovor u predmetnom postupku javne nabavke ove robe.

Uvažavajući sve navedeno, primjenom člana 64. stav 1. tačka a) Zakona, člana 25., člana 70. stavovi 1., 3. i 6. Zakona i člana 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 22. Statuta ugovornog organa, odlučeno je kao u tački I. ove odluke.

Pouka o pravnom lijeku:

Protiv ove odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).

Dostaviti:

- svim učesnicima u postupku
- a.a.

DIREKTOR
Jasmin Mahmuzić

